



Broj: 10-04-3621-67/23

Sarajevo, 18.05.2023. godina

SKUPŠTINA KANTONA SARAJEVO
-Skupštinska služba-

PREDMET : Odgovor na zastupničku inicijativu – dostavlja se

Zastupnica **Vildana Bešlija** u skladu sa članom 213. stav 1. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, broj 15/13, 47/13, 47/15, 48/16, 9/20, 14/20, 16/22 i 17/22 - Ispravka), na četvrtoj Radnoj sjednici Skupštine Kantona Sarajevo, u okviru tačke Dnevnog reda "Poslanička/zastupnička pitanja, inicijative i odgovori" pokrenula je zastupničku inicijativu za uspostavljanje **Programa obezbijedenja biološke terapije za liječenje osiguranih lica oboljelih od psorijaze u Kantonu Sarajevo.**

U vezi sa pokrenutom zastupničkom inicijativom dostavljamo slijedeći:

ODGOVOR

Ministarstvo zdravstva Kantona Sarajevo je predmetnu zastupničku inicijativu dostavilo Zavodu zdravstvenog osiguranja Kantona Sarajevo te zatražilo odgovor u smislu mogućnosti realizacije navedene inicijative.

Zavod je dana 08.05.2023.godine dostavilo odgovor u kojem navode da je 2018. godine zaključen prvi Protokol o realizaciji Programa obezbijedenja biološke terapije za liječenje osiguranih lica oboljelih od reumatoidnog artritisa i sličnih oboljenja čiji su potpisnici pored Zavoda još i ministarstvo zdravstva Kantona Sarajevo, Klinički centar Univerziteta u Sarajevu te ugovorene apoteke a potkodom je bilo omogućeno liječenje 35 pacijenata, nakon čega su proteklih godina obezbijedena dodatna sredstva za još 20 pacijenta.

Početakom 2023. godine su također obezbijedena dodatna sredstva te se dodatno povećao broj pacijenata tako da se i inovirao protokol te je istim obezbijedena terapija za 80 odraslih osoba-pacijenata oboljelih od reumatoidnog artritisa ili psorijatičnog artritisa ili aksijalnog spondilitisa. U odgovoru se ističe da pacijenti oboljeli od psorijatičnog artritisa imaju mogućnost liječenja biološkom terapijom putem postojećeg protokola o realizaciji programa obezbijedenja biološke terapije za liječenje osiguranih lica oboljelih od reumatoidnog artritisa i sličnih oboljenja.

Zavod ističe da će prilikom sačinjavanja narednih finansijskih planova u skladu sa finansijskim mogućnostima razmotriti i mogućnost finansiranja i opravdanosti uspostavljanja zasebnog

protokola o realizaciji Programa obezbijedenja biološke terapije za osigurana lica oboljela od psorijaze u Kantonu Sarajevo za šta će ministarstvo dati punu podršku.

U prilogu dostavljam i odgovor Zavoda akt broj 01-33-5-7225-1/23 od 5.05.2023.godine

S poštovanjem,



Dostaviti:

- naslovu
- a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-104, Fax: + 387 (0) 33 562-243
Web: <http://mz.ks.gov.ba>, E-mail: mz@mz.ks.gov.ba

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
ŽAVOD ZDRAVSTVENOG OSIGURANJA
KANTONA SARAJEVO
Ložionička br.2, Sarajevo



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
КАНТОН САРАЈЕВО
ЗАВОД ЗДРАВСТВЕНОГ ОСИГУРАЊА
КАНТОНА САРАЈЕВО
Ложионичка бр.2, Сарајево

Broj: 01-33-5-7225-1/23
Sarajevo, 05-05-2023

MINISTARSTVO ZDRAVSTVA KANTONA SARAJEVO
REISA DŽEMALUDINA ČAUŠEVIĆA 1
71000 SARAJEVO
N/R PROF. DR. HARIS VRANIĆ, MINISTAR

Bosna i Hercegovina
Federacija Bosne i Hercegovine
KANTON SARAJEVO
05-05-2023

PRIMLJENO:	KLINIČKI CENTAR	BR. I	BR. II
10	04	3621-67-183	

Predmet: Odgovor na zastupničku inicijativu

Poštovani,

Vašim aktom 10-04-3621-67/23 od 18.04.2023. godine dostavili ste nam zastupničku inicijativu zastupnice Vildane Bešlije sa 4. radne sjednice Skupštine Kantona Sarajevo za uspostavljanje Programa obezbjeđenja biološke terapije za liječenje osiguranih lica oboljelih od psorijaze u Kantonu Sarajevo.

Podsjećamo da je Zavod zdravstvenog osiguranja Kantona Sarajevo još 2018. godine zaključio prvi Protokol o realizaciji programa obezbjeđenja biološke terapije za liječenje osiguranih lica oboljelih od reumatoidnog artritisa i sličnih oboljenja čiji su potpisnici pored Zavoda još i Ministarstvo zdravstva Kantona Sarajevo, Klinički centar Univerziteta u Sarajevu, te ugovorne apoteke, a Protokolom je predviđeno liječenje za ukupno 35 pacijenata.

Tokom prethodne godine, Zavod je u cilju poboljšavanja zdravstvene zaštite oboljelih i u kontinuiranoj saradnji sa udruženjem oboljelih od reumatoidnog artritisa, obezbjedio dodatna sredstva i omogućio proširenje ovog Protokola za dodatnih 20 pacijenata, čime je značajno povećan broj ukupnih korisnika ovog Protokola, te se pored njih po automatizmu u ovaj Protokol uključuju i djeca koja navršavaju 18. godina a koja su ranije bila korisnici istog programa za pedijatrijsku populaciju.

Naporima menadžmenta Zavoda, početkom 2023. godine, uspjeli smo obezbijediti i dodatna sredstva kako bi se bi se navedeni broj pacijenata još povećao, te je rezultat navedenih aktivnosti činjenica da se u ovom trenutku obezbjeđuje liječenje navedenim lijekovima za skoro tri puta više pacijenata nego je to inicijalno predviđeno, tako da se kroz inovirani Protokol sada obezbjeđuje terapija za:

- najviše 80 odraslih pacijenata oboljelih od reumatoidnog artritisa ili psorijatičnog artritisa ili aksijalnog spondilitisa,
- sve pacijente mlađe životne dobi koji su liječenje putem ovog Protokola već započeli kao raniji korisnici programa za liječenje maloljetne djece oboljele od juvenilnog idiopatskog artritisa,
- sve pacijente koji u toku trajanja ovog Protokola navrše 18. godina a raniji su korisnici programa za liječenje maloljetne djece oboljele od juvenilnog idiopatskog artritisa (uz adekvatno medicinsko obrazloženje potrebe nastavka liječenja).

Napominjemo da Zavod u potpunosti podržava sve aktivnosti koje za cilj imaju unapređenje zdravlja njegovih osiguranika, pa tako i uvođenje novih Protokola, ali da treba imati u vidu da Zavod ima ograničena sredstva za namjenu finansiranja lijekova iz Protokola, kao i ograničena sredstva za finansiranje lijekova sa Liste lijekova Kantona Sarajevo koji se finansiraju iz istih izvora. U ovom trenutku, postoji porast troškova lijekova sa Liste lijekova u prvom kvartalu u odnosu na isti period prošle godinu, a što za posljedicu može imati prekoračenje ukupne pozicije troškova lijekova u Finansijskom planu Zavoda.

Važno je istaći da u ovom trenutku pacijenti oboljeli od psorijatičnog artritisa imaju mogućnost liječenja biološkom terapijom putem postojećeg Protokola o realizaciji programa obezbjeđenja biološke terapije za liječenje osiguranih lica oboljelih od reumatoidnog artritisa i sličnih oboljenja.

Imajući u vidu svoje realne mogućnosti u ovom trenutku i već opterećene izvore finansiranja, Zavod će, prilikom sačinjavanja narednih Finansijskim planova, u skladu sa finansijskim mogućnostima, razmotriti mogućnost finansiranja i opravdanost uspostavljanja zasebnog Protokola o realizaciji programa obezbjeđenja biološke terapije za liječenje osiguranih lica oboljelih od psorijaze u Kantonu Sarajevo.

S poštovanjem,



DIREKTOR

Mr. sci. oec. [Redacted Signature]

Dostaviti:

1. Naslovu
2. Direktor
3. Odjel za farmaceutske poslove
4. a/a